

Judasiy Nurya Catera

Samuchurveda riy Judenu jaryetavay

¹ Ray, Júdasíy, Jesucrístu muchechiy, jiryatíy Santiyácu taryí darye, jiryatíy Jacóbu jtyatí jaryeni. Rañurya catera jiryejyu Judenu natuvyejyuu, jiryatíy Vujiye Judenu vatavay jiryedye, Jesucrístu jnutyasavay jarye risaju jiryey. ² Rama jasay santyutyada jiryejyu, samirya vichada jarye, savatada jarye risaju.

Rutuyadamu yitay Judenuju tuchuvayu

³ Ravyatavay, dañuma rañuryuy jaryi jiryejyu ranchiy vuryentyutyasada, diye rayaruryamu rañuy varenuvajū jiryejyu ratidye nirutyaníy jiryetyuvachodamujuyu; jiryatidye ray rayadaju samituchoda, jiryatíy sabamyumya Judenu jiryetavajyura. ⁴ Riityenuma vaduy jiryeyñiyaresiy daryaju jiryequemyimujuyu, rivyichanuyada parutisavay rajotadamusiy, jiryatimyu ne ridyetyaruñi Judenu. Riñi vicharujeya cadnamiy, jiryatíy jaryi jantyuryani Judenu vujyu, rivyichadedamu ne ridyetyaruñi sitenu vujyamí Jesucrístu, ne rivyata jintyityuju daryajuni.

⁵ Rajechipityataniy jita jiryerya jiryatíy jiryedyetyanuyadara. Jiryajachipityara nutyu Vuyntyityu sipyatada riy jijnijyanvay Ejíptumusiy, rivasiy jita saparutada riy rityimyu ne tuvachuruyada simu. ⁶ Satuunu vichavay jarye rityimyu ne vicharuy jivyichajomu jasityi

sani bayada Judenu rivyichadajuy, jiryatiy riyada jadchiy, sabayada variy nupocudinube jasiryi, rivyichasara puchusavay junare saraju tanuvunujovimu, jamu rundasaraju jasityi savichaniy taji daryaju riy. ⁷ Daryantiy rivyichasara Sodoma janvay, Comorra janvay jarye, ruo vichada janvay titaju. Jiryatiy ricyadnaveda jaryi, riryarupantara ti barya ranchaju, riryaparutyasara jiidamyu rivayu. Sabayada Judenu variy jantyasavajyu riy, vuryatidye datya nutyuramusiy savichaniryi juuchatavay.

⁸ Daryadantiy rivyichasara jivye vacha maryisavay rapuryamiy, jiryatiy riryarupantasarara jivyu, rini rrachu jaryirya nusuyadantiy, riryavityiye variryi vandamu vichavay. ⁹ Miyeriy jita, jiryatiy Judenu tuunu vichavay jiyanti dañi, ne savityiyeyadani bayantu nutyityu nanuniquettadanumatiy riva Muyisésiyy babyiyu. Mitya suteda siva: “iSama niquetya Vuyntyityu ji!” ¹⁰ Jivye vaduy jita javityiyerya tara jiryatiy ne ridyetyara. Jiryatiy ridyetyara tara nutyu javada datyisamiy, ratatiy ripyarutayu.

¹¹ Tiii, tajnate dayu jiryatiy richiityarima Cayibay vichadedamujuyu (nitimyu ne tuvachuruyadara Judenu niquejada); ricyaramya darya, nutyu sacarayadatiy Badámubay, jiryatiy richiiryi variy ranacho criquiy, jiryatiy ricyanaryuy quivuyada murichirya darya. Jadchintiy riryaparutay jiryatiy rirrachura nusuyada, daryani sivaayada tariy Corébay (nitiy rrachodara Muyisésibe nusuyada, saparuteda variy rucosiy). ¹² Rivyichasara jivye mijuvye

jiryequebyimu, jiryatiy riryimyi jiryisa, jasityi jiryimyi vatajuu Jüdenü vatađadamu, runuyada ramidyerya jiryatiy ripyotyaniy jichuvuyasadamuyu. Riñicha nuťyu nuvachiy jatyasara riichota, jiryatimyu ne jatara (nutasara javyecharaju); riñichantiy nuťyu nñinu nutasara, jiryatimyu ne jotara rarundamudayu, vassanu, daputasara raruva, (tapi ne ruvaay tara Jüdenü jtedamuju, tarajnatya daryaju Jüdenü jnuťya jiryiva day). ¹³ Riñicha nuťyu riyerya suvuchara, vajiryuditara daryajura (tapi rivyichadedivasiy vudyi nuťyu vajicyadi riva taji jvaachara day). Riñichantiy nú datyanuvay caravye, varityimyu ne ridyetyara nú nuđay. Riryajto rumu jasityi sabayada Jüdenü ridyijjomujuyu, titaju junareju, jaryi nupocudinube.

¹⁴⁻¹⁵ Satuchoda tariy Jüdenuju tuchu Enócu jtyati rinchintyi. Nñini vichada danujuñijyateju Arábya judebimimyusiy, satuchoda varyiy Jüdenuju:

“Jiryajnuy, radyi siva Vuyntyityu, sitima rusa jijeryetasavay, rajuura varanca daryaju riy. Sitima satidye vichaniy titaju riy, satidye dityanuriy rityevay jamirya vichavay, jiryatiy ruvaachara jamirya jachipiyajadamura jamirya jvaayada; jadchintyi jiryatiy riñiquesara juuchatavaryava vacha niqnejada saniyyu, jiryatiy jamirya vichavay daryaju daryi.”

¹⁶ Riñicha jivye rusa jmutyajavay, rityuchutasara riy tavay. Riryupityityi jidyirya nırucharamuju. Ruto day niqnesara yinnuvayadamu darya

jamura niqnejada day. Rijeryeta ti riryatidye niqne samiý saniyyu, riryatidye jmutya nta varyiy simusiy tara.

Satuchu siityarivay nirutyadedaju

¹⁷⁻¹⁸ Jiryajachipityara, ravyatavay, riñiquejada Vuyntyityu Jesucristu nusubyimiy, jiryatiy ruteda jityaju: “Tamitya rundamu jita riryecha javiryutyadacanimiy rityi rupityityi jidyirya nirucharamuju, vacha nirucharamuju.” ¹⁹ Jivye jita jatachu tajiñechoju riy tavantidyedye. Rivyichasara jidyirya jachipiyajadamuju, jiryatimyu ne Judenu Jnututavay daryaju daryi.

²⁰ Jiryé jita, ravyatavay, jiryama siye jityuvachodamu simu, jiryatidye vichasara samivye saju titaju varyiy. Jiryama vichasara sisa tuchuvay Suntumusiy. ²¹ Jadchintyi jiryama vichasara Judenu vatadamu, jasityi jiryanutuy rajiju Jesucristu jantyutyada, ratatyi sasay junareju jnyudadaju vuy. ²² Jiryama niqetta samiryamu riy tavay, jiryatimyu ne surra jachipiyajadatavaryi. ²³ Jiryama jantyuy ruuva rityevay, nutyu vuchovarya tara jiidamyusiy rañuma rupay; jiryantya jantyutya riy rityevantyi, jiryatiy vudyi riva rivyichada suvuchara, ranicha mijurya vacha nirucharamusiy daryaju.

Sichanatyasara Judenunijyura

²⁴ Vuryajchanatya jaryi diyeni nitiy datya bayada juuchavedajisivyuy; sadatya jnutatyada varyiy Judenumu vuy, vuryatidye raniy jaryi jchanavye vandamu varyiy, jiryatiy sabay samivyevyuy, ne mitavay sadiya variñundyevyuy.

²⁵ ¡Rachasarate vandate saju, jaryiñu vichada

risajū Jesucrístumusi! Jiryatiy sanicha vinu tiqui
Judenu vuryeyada ráñu, ramuni vuryasabuchara
titaju sutedamu, vuryatuvachu variy simu.
¡Daryani ravichanuyada tariy, daryaday racha
diyentiy, junaresaraju titaju! Rañumyumyara.
Sayanuma Júdasiy

Judenu jto nijyanvamyu New Testament in Yagua (PE:yad:Yagua)

copyright © 2008 Wycliffe Bible Translators, Inc.

Language: Yagua

Translation by: Wycliffe Bible Translators, Inc.

Yagua [yad], Peru

Copyright Information

© 2008, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yagua

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 22 Feb 2024 from source files
dated 29 Jan 2022

741209ce-3bea-5617-a721-dc112d0873cd